

JAVNO PREDUZEĆE «VODOVOD I KANALIZACIJA» d.o.o.

Z E N I C A

Direktor preduzeća

Broj: 101-10.006/17 HH 
Zenica, 28.06.2017. godine

Na osnovu člana 69. stav 2, tačka e, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716- 10.004/17 HH od 28.06.2017. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o poništenju postupka za nabavku vulkanizerskih usluga

I

Poništava se postupak javne nabavke usluga za nabavku vulkanizerskih usluga, iz razloga što dostavljena ponuda nije prihvatljiva za Ugovorni organ - član 69. stav 2, tačka e, Zakona o javnim nabavkama BiH.

II

Za izvršenje ove odluke zadužuje se Komisija za nabavke.

III

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

IV

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-8.705/17 HK od 02.06.2017. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 24 mjeseca.

Procijenjena vrijednost javne nabavke bez uračunatog PDV-a je 2.000,00 KM.

Dana 06.06.2017. godine na Portalu javnih nabavki, istovremeno sa objavljivanjem obavještenja o nabavci broj: 439-7-2-344-3-42/17, objavljena je i tenderska dokumentacija.

Poziv za preuzimanje tenderske dokumentacije broj: 713-8.705-2/17 HK od 06.06.2017.godine upućen je sljedećim ponuđačima:

1. UNION COMERC CO d.o.o. Zenica,
2. STRONG AUTO d.o.o. Zenica,
3. ALMY TRANSPORT d.o.o. Zenica,

Na osnovu Izvještaja o preuzimanju tenderske dokumentacije od strane ponuđača od 22.06.2017. godine u 14:49 sati, utvrđeno je da su sljedeći ponuđači preuzeli tendersku dokumentaciju:

1. UNION COMERC CO d.o.o. Zenica,
2. ekipija d.o.o.,
3. Infostrim d.o.o.,
4. ALMY TRANSPORT d.o.o. ,
5. BBS Europe,
6. KRAJINAGROUP d.o.o. Banja Luka.

Komisija za nabavku imenovana je Odlukom broj:101-1672 /17 MS od 11.01.2017. godine.

Komisija za nabavku je dana 28.06.2017. godine direktoru preduzeća dostavila Zapisnik o ocjeni ponuda broj: 716-10.005/17 HH od 28.06.2017. godine sa preporukom o poništenju postupka za nabavku roba broj:716-10.004-1/17 HH od 28.06.2017. godine, u postupku javne nabavke usluga za nabavku vulkanizerskih usluga.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponude i ocjenu prispjele ponude, o čemu je sačinila odgovarajući zapisnik, u kojim je utvrđeno sljedeće:

- da je ukupan broj pristiglih ponuda 1 (jedna),
- da je blagovremeno zaprimljena 1 (jedna) ponuda,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 6 (šest).

U postupku donošenja ove Odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriteriju iz tenderske dokumentacije.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Polazeći od gore navedenih konstatacija, a shodno odredbama Zakona i opštim aktima ugovornog organa Komisija je ocjenila da:

Ponuđač UNION COMERC CO d.o.o. Zenica je dostavio ponudu u vrijednosti od 2.337,25 KM bez PDV-a, koja prelazi procijenjenu vrijednost Odluke od 2.000,00 KM bez PDV-a za predmetnu nabavku. Zbog predhodno navedenog, ponuda ponuđača se odbija na osnovu člana 68. stav 4 tačka (j) Zakona o javnim nabavkama.

Shodno prethodno navedenom, Komisija je dala Preporuku da se poništi postupak za nabavku vulkanizerskih usluga, jer nije primljena nijedna prihvatljiva ponuda za Ugovorni organ.

Iz navedenih razloga, primjenom člana 69. stav 2. tačka e. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a



v.d. Direktora:

Sečić Nedim, dipl.ing.maš.